

漳州府志卷之二十六

宦績三 乾隆志卷三十四

國朝

監司

吳執中 陳啟泰 張翼鵬 蔣龍光 阿琳

劉燦 朱鴻緒 徐士林 陳樹著 孫孝瑜

吳執中字匪公正紅旗貢生順治十二年 世子王南下

以僉事分守漳南時漳初定 大兵雲集海寇逼郡郊

民逃竄山谷道梗飛輓不至執中勞來撫字握筭持籌

民還安定集師無饑焉瀕海許茂等處首鼠兩端提督

漳州府志

卷之二十六

宦績三

三三九

馬得功將盡屠之執中曰小民迫于寇患各自保其身
家耳撫之皆吾民也且海澄廈門猶將諭其來降況近
郊赤子乎得功大感悟諸陷賊者聞之皆接踵至未幾
海澄納款

朝廷大嘉柔能之功執中雖在干戈擾攘然敬賢下士有
儒者風勸不言功施不言德視民事如已事漳人稱之
爲佛尋陞山西懷寧副使祀名宦後十餘年子興祚巡
撫福建遷總督兩廣有父風而平海之功爲尤偉云

陳啟泰字大來鑲紅旗貢生康熙三年以叅議任巡海道
八年兼副使爲政以搏擊豪暴爲己任嚴保甲法立圍

長責以督率民壯捕盜犯者輒杖殺之一時奸宄斂跡
甲寅耿精忠反僞檄南下啟泰密謀海澄公黃梧拒守
會梧病亟泰知事不可支閱五日語其妻劉氏及女皆
自縊妾婢二十餘口先後相繼屍叅錯如亂麻泰親爲
排次旣乃從容引僚屬入視諸相顧失色汗下莫敢出
聲啟泰慷慨陳義無異平時乃朝服望北再拜繫帛以
死事聞

資政大夫工部右侍郎諡忠毅

前志論曰執中啟泰當洪飈扇海和以雨露鼓以雷
霆寬猛異效夫亦性之所近也漳剝膚莫切于盜法

漳州府志

卷之三十六

宦積三

二

四百〇二

不嚴則稂莠滋而嘉穀不殖陳其知當務之爲急者
與或者議團長權太重脩怨睚眦左右因緣爲奸利
取貲出入人于生死以蔽其上卽片紙入莫得自辯
法立弊生當軸所宜亟省也要其臨危致命妻妾同
燼古街鬚嚼齒未有並厥慷慨儷此從容者矣吳片
言脫數萬生靈於鋒刃納叛招降共濟國事後二十
餘載其子卒成平海之功仁者必有後不其然乎

張翼鵬鑲白旗筆帖式康熙十七年任巡海僉事當逆藩
變後閩疆新復兵民雜處釁隙日生翼鵬請命督撫定
計檄郡縣按兵額定糧精復請給兵房勿與民同居民

得安堵汀屬永定全邑陷于賊男婦離散翼鵬力爲安
集復難民五千餘家龍巖民苦轉輸謀且爲變翼鵬單
騎開誠曉諭反側立消公餘與諸生考課經義風氣日
上遷廣東分巡副使

蔣龍光宜興人順治乙未進士康熙十九年任巡海僉事
值海寇沸騰龍光設法捍禦聯絡井里令各自守衛官
兵駐集米價驟昂乃請之總制姚啓聖檄江西運米協
濟兵民交賴之啓聖戡定金門廈門十七島龍光躬自
撫綏難民使復故業復請弛海禁使窮民採捕爲生時
時駕舢樓船于定海間操練水師爲規取臺灣之計尋

漳州府志

卷之三十六

宦績三

三

四百〇六

遷浙江叅議兵民請留不可勒石于福南臺以志遺愛
論曰大難漸平瘡痍未復雖則勛勞其究安宅小雅
所以咏也翼鵬龍光撫綏安定念切斯民而一則揆
文一則奮武思慮蓋又深遠矣

阿琳字玉山鑲藍旗廕生康熙四十年以副使任巡海汀
漳道嚴重有威漳俗苦姦豪或恃強族或充練總約正
或爲鄉長種種借名弄兼琳曰此亦所謂豺狼當道也
吾治之乃擇其尤黠者置之法次者榜其過惡於門使
之愧姦豪斂手善良安輯尋陞貴州按察使累官太僕
寺卿卒之日民思其德祀名宦

劉燦孟縣人康熙戊戌成進士雍正五年以部郎出任巡海汀漳道剛方耿介嚴于糾吏而寬于治民一時吏肅民懷值歉歲設粥食饑民復開倉平糶知府耿國祚素有惠聲顧發粟欲依市價燦令減之不可力爭之又不可燦忿甚以頭觸柱曰民急矣奈何爲囊橐計病吾赤子至互相叅劾有言將解任去民皆歎惋後大吏以事上聞

上信其無枉法貪贓狀與大吏共鞫國祚哀陳年四十無子嗣請寬貸國祚泣燦亦泣曰胡不早言而使我至此因爲代請而國祚遂得復用爲潮州知府

漳州府志

卷之二十六

宦績三

四

四百十五

朱鴻緒陳州人以歲貢歷官巡海汀漳道爲治寬惠公平專以牖民之天良爲主有罪不妄加刑獨嚴于游手無藉之徒雖小故必爲懲創有兄弟爭產鴻緒坐之廳事兩旁令兄弟相呼應兩人者始而悔繼而愧終乃感泣大悟淚下不能止吏以告鴻緒曰可矣諄諭而遣之民多所感化類如此又立木櫃聽民得投狀告密時糾察之或疑其長攻訐然冤抑之壅于上聞者鮮矣

徐士林文登人以康熙癸巳進士歷官巡海汀漳道有學問負經濟畧而勤于政事被服造次必於儒者循循焉大異于俗吏之爲也道轄汀漳二府領縣十有七多滯

獄士林酌其重者親提訊當堂獄詞榜于轅悉中情寔吏胥胆落不敢無法爲奸尤振興文教每月召士于署中課之評定甲乙多士踴躍雖登甲科者亦欣然預會擬作與之相質敦悃若師弟子士論一時翕然所著雙檜軒稿卽漳中校課時所作者也歲大比有司視賓興爲具文士林曰是

國家大典也先期製詩歌三章令樂工肄之至期歌以侑觴獻酬彬彬人士圍觀稱盛禮後累陞江蘇巡撫臨終遺疏忠愛惓惓有古大臣入告之風焉

論曰肅紀整綱脩明憲度觀察使職也

漳州府志

卷之三十六

宦績三

五

三百九十二

國家海寇削平漳南遂成樂土而寬而有制從容以和琳不爲水而爲火威立而恩行輯寧之上策也劉燦恤民當宁信之鴻緒寬政黎庶懷之士林以儒術飾吏治粹然一出于正則又憂乎尚矣

陳樹著字祥田湘潭人以父鵬年蔭累遷至巡海汀漳龍道鵬年宦績在人口爲

國家名臣冠樹著治行一稟家訓抵任數年潔已率物諷諭吏民若老儒生之煦煦然者樊絕風清而未嘗一動聲色被服儒業不事華飾嘗公譙更衣衣布袴或贊爲儉德樹著笑曰下體而用絲統娼優所爲也後歷任天

津鹽道卒于官

孫孝瑜字壺園合河孫文定嘉淦子以父廕歷官刑部郎中有聲出爲福建糧驛道乾隆三十三年調巡海汀漳龍道孝瑜情懷爽朗不設城府爲治惻樸無華務推誠以表率所屬凡僚佐不以私見而接引儒生諄諄作家人語嘗言爲大僚而慢守令之職喜事沽名者十之一二容奸蠹擾民乃七八也漳浦盧茂爲匪孝瑜聞報卽星馳抵縣治同漳州鎮總兵官葉相德率兵役搜緝無兇脫者復發倉粟平糶賑其尤窮者民賴以安方孝瑜之緝賊也株繫纍纍見有手持田器身汗塗泥者槩省釋勿訊訊而可疑有連名保結者亦如之故定讞之後未嘗妄罪一人人服其明慎尋擢福建按察使詿誤落職復起用爲直隸按察使甫一歲卒于官

論日記有之良弓之子必學爲箕良冶之子必學爲裘樹著孝瑜並以名胄承廕起家

簡巡海國清慎廉懋稟家學而著循聲顧不休哉

知府

錢光泰 吳延貴 周 岱 張 鎮 李師敏

錢光泰順天人順治十二年隨 世子王南下知漳州府時郡城拆毀民皆野處光泰勤撫綏集流亡措餉給兵

日無寧暑漳平東北道依山常有虎患又病涉光泰經其地捐金建橋募民伐木焚林民稱曰馴暴橋

吳延貴字子良奉天人廕生康熙十六年隨康親王入閩題授漳州海防同知十八年以材能遷本府知府時士馬雲屯日需糧草難以數計延貴首請制府設立站運以給兵食每恢復一處輒安集難民出已橐捐給海道陳啟泰殉難子汝器陷賊中延貴不惜重貲購歸人稱其義詞訟不受暮金科歲兩試不干學使者以私以軍功加一品頂帶陞本省運使紳士爲立碑于東郊部院祠之左

漳州府志

卷之二十六

宦績三

七

四百十六

周岱漢軍鑲紅旗監生偉軀幹容貌莊肅嘗任同安令以嚴見憚乾隆八年知漳州府爲治精明果決疾惡如仇專以除暴鋤奸爲主漳故有無藉之徒欺凌弱小動輒操械持刃以格鬪爲能民苦之岱曰此亂民也風不可長宜用重法令立拘懲治何大校列諸通衢署曰一月四十大板按月的決不少貸諸惡類聞風咋舌相率屏跡遐方時有細民越販鐵刃被獲監司意爲小刀會邑令將加羅織岱心憫之責令曰越販自有本律奈何殺人以媚人也見監司復以一身去就爲力爭多所省釋後以公事赴省卒于寓邸貧不能舉喪漳人爭賻焉

張鎮號西圃山東海豐人初爲杭州牧以事註誤復起爲漳州守鎮嚴重自持觀察一路以端靜處之有闕白當興建者鎮恐擾民概不報可後檢志乘知郡學宮有龍鬚水入泮池關文運獨與邑紳王材等議脩濬工繁而費省士民頌之先是郡有巧宦務以小惠結士民心以香盆竹馬迎者賞賚殷渥至是自他任調遷道漳里巷犇走接踵晝夜不息鎮既不出迎又不答拜且使人諭意令速去無愚我民也由是僚屬多憚其風采屢遷監司擢陳閣臬會平和悍卒以白刃擬邑令帥弗收而爲之請鎮厲聲作色帥惶謝乃悉收而置之法驕兵大戢示藩伯同坐者爲之破顏後揭曉得雋鼓掌懽譁撫軍顧曰公愛才如性命也尋陞豫省藩司卒于官

李師敏字仲堅初名本杞山東惠民人由進士歷刑曹出守興化以廉能著聲調漳州府漳號難治蠹役猛於豺虎師敏以法糾繩皆屏服惕息莫敢仰首視漳民有睚眦事輒興獄貨胥役爲奸狀師敏鎮之以靜嘗自言曰吾惟飲清漳水而已一切文移案牘皆自屬稿不假手幕友及胥吏蔽要囚必至旬日卽小故亦曲得其情而後斷結讞獄之成雖奸胥猾吏毋得變易爲人公正嚴

明自上司僚屬義有不可輒形于色以故咸加畏焉尤敬禮文士然沉靜不露圭角漳吏役故驕蹇好凌轢人嫚罵寒弱士師敏故善怒廉得之痛責以謝聲望翕然屢接見故家世講詢民利病及政事得失言有可採者立見施行調任臺灣卒百姓無老幼皆謳思之論曰漳自紫陽作守著有成績迄于明代遂多循吏大賢之澤長矣我

朝以海疆繁劇慎選名賢非明習吏治者不得調任也光泰等五人或輯寧于多事之秋或拊循於承平之日後先相望治行卓然擇其尤者書之用誌南國之謳

漳州府志

卷之三十六

宦績三

九

三百二十六

思云爾

同知

王顯謨 劉良璧

王顯謨字裕如慈谿人隸籍天津由拔貢授河南歸德理刑讞斷精明陞福建漳州府同知順治九年鄭寇竊發督臣以顯謨威望素著率軍禦之與賊鬪力盡赴水死

事
聞贈福建按察司副使

賜祭葬子元翰以蔭授武清縣丞

劉良璧衡陽人雍正甲辰進士九年知龍溪縣有才幹爲

政勤敏存心愛民諸案牘悉按圖里遠近分貯署中不假手胥吏權其輕重以次堂訊旬日先示期胥下鄉呼集兩造輒計道里酌給資糧親署紙尾使不得濫索民便之十三年陞漳州同知移駐南勝村民素強悍睚眦事動操械格鬪官長不能治也良壁下車擇巨族有齒德者爲族正隆禮優待俾互相勸諭漸以化其頑梗之習復建立義學延名師設教政聲大振權漳州府事尤以勤敏率先崇尚大體不瑣屑後歷陞本省糧驛道致仕歸卒于家

通判

漳州府志

卷之二十六

宦績三

十

三百七十二

胡宮 王三薦

胡宮字殿仙山陰人初爲椽康熙十七年通判漳州糧捕時海氛尚熾民苦軍需供億宮才識開敏調劑緩急而爲之備異時屯糧編小甲收頭二十年一值輒破家至鬻子女宮詳請自徵永爲例新朱文公祠延師廣集士子課誦其中優其禮遇漳自甲寅之變咕嗶者見卒伍胥隸輒氣隘垂首宮首加崇獎人乃知爲士之貴再捐資脩府學明倫堂南門江東兩橋嚴治檣蒺藜治汚市門者以維風俗大猾爲民害者杖殺之以軍功前後加二十二級丁內艱去

王三薦湖廣人康熙二年以進士授漳州司理性寬厚不事擊斷臬司責其苛刻三薦曰民困於下官疲於上推官不忍爲察察之行也尋卒于官士民惜之

論曰明敏者才也溫厚者德也德被諸躬才見諸事要於民有濟耳三薦不忍苛察良璧與宮並才力機警懲悍卒以作士氣化強俗而靖刁風政亦彬彬焉循良之選才德不必相兼尤貴乎相濟哉顯謨精明繼以死事則又不僅以才著矣

龍溪縣知縣

魏明德 申景雲 王裕瓚 李 芬

漳州府志

卷之二十六

宦績三

士

三百六十九

魏明德鑲藍旗擺牙拉康熙十六年知龍溪縣旋調軍前十八年再任性寬簡遇事敢爲時軍需夫役頃刻難稽明德按籍均應豪右一無所瞻徇軍士占民房者請諸大帥立爲清還士民咸倚賴之兩任縣事皆不及暮人惜其施爲未竟云

申景雲吳縣人雍正十三年以薦舉知龍溪縣愷悌宜民衆稱慈父時有饋以盆蘭者恠其重撥泥土視之乃金也却不受人服其清操卒于官囊不留一錢邑人士賻之櫬乃得歸

王裕瓚字璞齋餘姚陽明裔也潔清自好深沉有器識乾

隆二年知龍溪縣事嚴絕苞苴尤矜慎庶獄不以苛察爲能獨於猾吏不少恕胥役徒供事而已不敢浪有所關白也當斷案遲未詳有宦遊過者受托請速之裕璜知其乏資斧自割俸以贈而使還所受金比其人去卽以原讞詳初裕璜由南安調署長泰理詞獄剖曲直一絲不亂長泰民舊苦懸糧自徐治民申准清丈糧就理社徵納除一切花戶舊名吏緣爲奸將甲作乙苦更甚于懸累裕璜按籍檢對分定則例飭各歸戶詳上官完結而藏其冊于官邑人戴德于其去也立碑紀之設位入四賢祠

漳州府志

卷之二十六

宦績三

七

三百八十一

李芬正藍旗漢軍舉人乾隆三年知龍溪縣旋調去五年再任值歲歉勸諭平糶以甦饑民開濬城濠使水不壅遏尤長于摘發猾吏無敢欺調同安士民大書樂只君子以送其行

漳浦縣知縣

許國楠 李 霄 陳汝咸 長 庚 李 元

許國楠咸陽人順治三年隨師入漳州奉 貝勒王命知漳浦時戎馬在郊徵輸百出國楠軍需克辦而民不病脩身潔已一介不取禮賢下士擾攘之際時聞絃誦聲未幾楊學臯以萬衆陰謀陷城變出叵測國楠義不辱

赴井死

李霄廣宗人康熙壬戌進士三十三年知漳浦性淡泊廉靜善儒雅下車卽與士子論文嚴查詭寄欺隱禁假命誣賴甫半載病卒邑人思之與明邑令周仲同勒名建碑謂如叔子之後有元凱云

陳汝咸字莘學號心齋鄞縣人康熙辛未進士三十五年由翰林庶吉士出知漳浦以浦邑賦役不均定二百家爲一保保二十甲戶實其丁口編審日通計闔縣城丁若干勻編足額立親供單每戶田糧各填註實產分限自封投櫃根租一田三主詳定大租量給價值田歸業

漳州府志

卷之三十六

宦績三

十三

四百二十三

主於是奸胥無所飛灑強宗巨猾無所隱佔詭寄包收衰戶孱民無所賠累自明季來百餘年積弊一清喜造士設四義學朔望之三日會諸生講五經性理綱目諸書於明倫堂從容辨難竟日不倦月課制藝詩歌古文詞親爲評隲一時古學振興文風丕變新學宮大成殿戟門建銅山南溟書院雲霄朱文公祠修城南得僊橋百廢俱舉丁亥六月大水及雉時方在病聞報披裘倚杖亟登南城募船結筏分拯溺者全活無數性警敏耳聽手披目數行俱下案牘紛紜片時立盡非命盜未嘗遣一役下鄉勾攝公事俱用紙皂民亦無後期者廉介

淡泊苞苴不行在浦十三年始終一節橐無餘財家無蓄產四十七年改調南靖民環擁涕泣不得行夜半單騎扮巡邏者潛開北門馳去此追無及因建祠生肖之抵靖數月威惠並著積盜曾惜劉漸等皆率衆自投首民大悅服旋行取刑部主事歷任大理少卿立朝多所建白五十三年以奉

勅勘賑陝右卒訃至浦人哭之如其私親置義田以供祀既又與靖人合請祀兩邑名宦

長庚浦州鑲紅旗舉人乾隆元年知漳浦縣因勢利導務在與民休息故民皆安之每歲首輒治酒廳事延紳士

漳州府志

卷之三十六

宦績三

十四

四百二十九

詢風俗利病相其緩急而去其太甚又修廢舉墜城垣

橋梁道路次第興築焉五年告歸壽八十餘卒於家

李元字惕齋江南當塗人以乾隆丁巳進士令漳浦先是

漳浦民率要結爲朋統袴子弟主其事武斷鄉曲或勾引吏役爲奸利元下車訪聞立擒治如法風少息理詞訟明慎而不留獄有泉人賣田蛙者被浦民陳琴害死于小溪嶺元已弋獲顧乏的証慮其或枉詢屍妻知有錢囊可証搜琴身囊果在焉召屍妻認取妻檢其囊泣曰此夫出門時老婦所手綻者也斜綴紅布條數寸許反而出之弗差也獄遂定又有兄弟爭產者元庭訊語

之曰兄弟而及此令失教之咎也宜罪令卽出其直償之然後諭以大義兩人者咸愧謝每歲將終封篆檢諸案牘不待質逕牌示斷結以省稽延兩造莫有遁情成鉄案焉遇命案躬自驗視膚慙者亦如之立義學朔望親臨校課論定甲乙疊疊然如師弟在任四年士安其教民樂其業丁艱歸鬻衣爲行資後補任浙江卒于官漳浦人聞之猶歔歔相語曰吁李使君死矣

海澄縣知縣

甘體垣 洪明鍾 陳世儀 汪家瑑 王作霖

甘體垣字仰之遼東人順治八年知海澄縣性明敏有所

漳州府志

卷之三十六

宦績三

圭

四百七

設施蒞治數月未及竟也九年守將赫文興外叛汙以僞命不受強之瞑目坐不食旣知其終不可屈沉之水邑人悲之招其魂祠于城隍廟之左室歲時祀之

洪明鍾字萬貞歙縣人舉人順治十五年知海澄待士以禮有風采時澄帥張甚令初謁必長跪明鍾獨與講釣禮輿而張蓋直抵堂皇帥銜之令卒索餉而譁明鍾曰餉非緩也吾將按籍而給焉虛卒倒馬則奈何帥氣奪聽訟不遺隸但與之期常自至卽有所遺猝遇寇盜不敢犯曰洪公惠人也竟以軍興旁午積勞成疾邑之人禱者踵相錯旣卒如喪父母與前令體垣同祀焉

陳世儀字抑之海寧監生康熙三十六年知海澄縣魁偉
精明強幹爲治銳意興除初下車進父老問利病皆言
帥府營弁貪踞蝗垵網桁利及婪索浮宮渡渡稅橫暴
狀世儀曰若休矣願熟計之居數日有女與出縣署從
一奚僮以數健兒懷銀鎗尾其後旣渡僅少給錢卒大
怒揮篙將碎輿輿中人躍出頤而髯則新令君也咸驚
卻不敢動卽以銀鎗縛數人歸廷笞之自詣帥府白其
事帥爲奪氣于是撤守渡者凡霸踞諸稅皆出示罷之
一時名震漳南在任十三年法脩令明民鮮敢犯者後
祀名宦

漳州府志

卷之三十六

宦績三

六

四百八

汪家瑒浙江錢塘人乾隆丁巳進士十一年知海澄縣志
尚高潔以文學飾吏治外若退然不勝衣至事關民生
利病輒凜然有不可奪之槩澄邑故濱海急水利普賢
水門久壅塞下車命砌石固築疏而導之以資灌溉民
甚便焉風雨作西南二溪淹沒廬舍家瑒單騎相視捐
俸賑卹民沾實惠邑有大案奸民欲藉以擾溫厚之家
奔以告則侃然曰無畏萬一有事吾一身當之遂賴以
全尤好培植士類興義學脩學宮作養甚宏在任十一
年調繁順昌民追慕焉

王作霖字淵南河南安陽人康熙癸丑進士初任海澄方

逾月以母老告歸後歷試上游諸劇邑直聲清操在在
有聞乾隆二十五年再調任澄邑明敏果斷公正不阿
以緩息訟為養民之本虛公聽訟曲直立判胥吏不得
因緣為奸至體恤民瘼推心置腹藹藹然若家人父子
也尤敬老惜士堂屋將傾作霖每坐以聽事民曰倘壓
吾邦君可若何亟新之又新建書院于八卦樓以其舊
東偏為學舍而以其西為安陽書院奉其位祀焉在官
六載致政歸民至今念之不諠云

南靖縣知縣

白拱薇

漳州府志

卷之三十六

宦績三

十七

三百九十八

白拱薇汧陽人順治壬辰進士康熙六年知南靖風裁峻
整而加意貧民始至以靖邑多水患議築西河壩護城
甫鳩工洪水驟漲諸邨落多漂沒溺死拱薇悉心籌畫
收殮賑濟既乃新學宮之撓折漫漶者葺縣署之衝決
傾欹者皆出已橐卒成西河壩之功先是大蒐三島徭
役煩重靖人以賤直田勢豪武弁家田去而糧仍舊戶
皆破落苦敲朴不完拱薇曰焉得有田不輸賦者于是
除舊戶就田訊田主名擇豪之虐而冠者首折辱之或
竟日坐大帥軍府卽賦不輸縣令不出諸皆震懼其敢
後乃益爬剔奸蠹積弊立法清丈民慶更生康熙五十